



Universitätsbibliothek Paderborn

**Manna Animæ Sev Exercitium Facile Simul Et Fructuosum
Illis, Qui Quoquo Modo Vacare Orationi Desiderant**

Segneri, Paolo

Dilingæ, 1699

X. Dicebant Deo: recede à nobis, & quasi nihil posset facere omnipotens,
æstimabant eum, cùm ille implèsset domus eorum bonis. Job. 22. 17.

[urn:nbn:de:hbz:466:1-48281](#)

si digni nos sumus, quamvis, uti o-
mnis mortales sumus, ita commu-
nem omnibus stultitiam facile invi-
cem condonamus.

X.

Dicebant DEO: recede à nobis, & quasi nihil posset facere omnipotens, estimabant eum, cùm ille implésset domos eorum bonis.
Job. 22. 17.

1. Considera, fœdum agendi mo-
dum, quem tot homines adver-
sus DEUM quotidie usurpant. Quo-
ties accidit, ut nihil de ipso jam scire
velint, ut illum redigentur, ut con-
temnant, ut dicere illi non vereantur:
Recede à nobis. Ipso interea bona o-
mnia largiente: *cùm ille implésset do-*
mous eorum bonis. Potentissimi qui-
que, pecuniosi, robusti, & qui maxi-
mè florent in hoc mundo, hi sunt, qui
continuè præ alijs peccant. Ecce quid
possit ingratitudo humana. nempe
DEO reddere pro bono malum. De-
plora hunc excessum, & detestare, tan-
quam summum, ad quem pertingere
homo possit.

2. Considera benignitatem Domini,
qui se repellentes à tergo insequitor:
unde illis necessitas imponitur clama-
mandi: *recede à nobis:* quia vident ipsū
lateri hærentem. An & tu ita illi di-
xisti aliquando: si non verbis, ah quo-
ties id illi operibus dixisti, non admittendo
eius in oratione commercium,
inspirations non amplectendo, inci-
tationes non acceptando, nec curando,
ut illum crebro reciperes in san-
ctissimo Sacramento. Si ille unquam
te deseruit penitus subtracta gratiâ,
certissimum tibi sit, illum à te semper
ruficè repulsum. Nunquam ille di-

scedit prior, necesse est ut audiat di-
centem: *Recede.*

3. Considera causam hujus oppro-
brij, quod DEUS partitur, quæ no-
est alia, nisi quodd homines in prospe-
ritate puerit illo sibi opus non esse:
Quasi nihil posset facere omnipotens, e-
stimabant eum. Sed quæ ista stultitia
est? si Dominus est, qui domos illorū
implevit bonis, quibus fruuntur,
an non idem est, qui eas possit vacuare?
Omnipotens est. igitur facillimè po-
test. Sed haec est dementia fortuna-
torum: *Quasi nihil posset facere omni-
potens, estimabant eum.* Cùm ipse sit,
qui dedit, quidquid habent. *Cùm ille*
implésset domos eorum bonis.

4. Considera, quām parūm proin-
de curanda sit humana prosperitas co-
gitanti, quām illa trahat tam manife-
stum contemptum ipsius DEI. O
quantò satius est habere potius inanem
domum, quām opulentam, quām
redundantem. Non ira male tracta-
bant Dominum isti impij; *cùm ille im-*
pleret domos eorum bonis, sed *cùm im-*
plésset. Donec multa restant bona,
quæ possint accipi, amatur DEUS,
recitantur preces, fiunt promissa, ali-
quod obsequij genus exhibetur.
Cessant ista; cùm impleta est
domus.